

BOSNA I HERCEGOVINA
FEDEDRACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKA IZBORNA
KOMISIJA



БОСНА И ХЕРЦЕГОВИНА
ФЕДЕДРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКА ИЗБОРНА
КОМИСИЈА

Adresa: Ul. Alije Dostovića br: 1. 75290 Banovići, Tel: 00387 35 74 34 44, Fax: 00387 35 74 34 33

Broj: 2-10-29/26

Datum: 12.05.2026. godine

Na osnovu člana 3. Uputstva o načinu rada i izvještavanja izborne komisije osnovne izborne jedinice u Bosni i Hercegovini broj: 05-1-02-2-622-1/22 od 04.05.2022. godine, Općinska izborna komisija Banovići na svojoj 7. (sedmoj) redovnoj sjednici, koja je održana dana 12.05. 2026. godine, donosi:

IZMJENE I DOPUNE POSLOVNIKA

o radu Općinske izborne komisije Banovići broj: 05-06/16 od 13.06.2016. godine

Član 1.

Član 1. (Poglavlje I. Uvodne napomene), mijenja se i glasi:

Poslovníkom o radu općinske izborne komisije Banovići (u daljem tekstu: Poslovník), uređuje se u skladu sa zakonom i drugim propisima, organizacija, način rada, način sazivanja sjednica, predsjedavanje sjednicom, utvrđivanje dnevnog reda sjednica, način odlučivanja i donošenja odluka na sjednici, održavanje reda na sjednici, vođenje zapisnika sa sjednice i način njihovog dostavljanja članovima izborne komisije, čuvanje službenih materijala izborne komisije i način njihovog arhiviranja i sva druga pitanja u vezi osiguranja efikasnog i zakonitog rada Općinske izborne komisije Banovići (u daljem tekstu: izborna komisija).

Član 2.

U članu 5. stav (1) (Poglavlje II. Član izborne komisije - Prava i dužnosti člana izborne komisije) u stavu (1) tačka f) će da glasi:

- (f) da predlaže i inicira pitanja koja su u nadležnosti izborne komisije, zatim se dodaje iza tačke f), tačka g) koja glasi: g) da čuva ugled i dostojanstvo izborne komisije i njenih članova, a dosadašnja tačka f) postaje tačka h).**

Član 3.

U članu 7. (Poglavlje III. Predsjednik izborne komisije), dodaje se stav (2) i (3), koji glase:

- (2) Predsjednik komisije može posebnim aktom zadužiti člana izborne komisije da obavlja dodijeljene mu zadatke i da koordinira rad u pojedinim oblastima i aktivnostima, a o čemu je dužan redovno izvještavati predsjednika izborne komisije.**
- (3) Odluke i druge akte izborne komisije može potpisivati i član izborne komisije kojeg ovlasti predsjednik izborne komisije.**

Član 4.

U članu 8. stav (2) mijenja se i glasi:

- (2) Ukoliko predsjednik izborne komisije bude spriječen da obavlja svoju dužnost, zamjenjuje ga član izborne komisije koji ima najduži staž u izbornoj komisiji. Ako dva ili više članova imaju istu dužinu staža u izbornoj komisiji, predsjednika zamjenjuje član komisije kojeg odredi izborna komisija posebnom Odlukom.**

Član 5.

U članu 10. (Sjednice izborne komisije), dodaje se novi stav (2) koji glasi:

- (2) Izborna komisija održava : redovne, hitne, korespondentne i svečane sjednice.**
Dosadašnji stav (2) postaje stav (3).

Član 6.

U članu 11. (Sazivanje sjednice), dodaje se stav (2) i stav (3), koji glase:

- (2) Predsjednik izborne komisije je dužan sazvati sjednicu izborne komisije na osnovu pisanog obrazloženja zahtjeva člana izborne komisije.**
(3) Ukoliko je predsjednik izborne komisije odsutan ili ne želi da sazove sjednicu izborne komisije, sjednicu može sazvati nadpolovična većina od broja članova izborne komisije.

Član 7.

U članu 14. (Predlaganje novih tačaka dnevnog reda) mijenja se i glasi (**Utvrđivanje dnevnog reda za sjednicu**), a stav (1) će da glasi:

- (1) Prijedlog dnevnog reda za sjednicu izborne komisije utvrđuje predsjednik izborne komisije i isti prosljeđuje ostalim članovima izborne komisije, uz poziv za sjednicu izborne komisije.**

Dosadašnji stav (1), će biti stav (2).

Član 8.

U članu 15. dodaje se novi stav (2) i on glasi:

- U cilju obavljanja dodatnih poslova za provedbu izbora izborna komisija angažuje osoblje sa izbornim iskustvom.**

U članu 15. dodaje se novi stav (3) i on glasi:

- U cilju obavljanja povremenih poslova za provedbu izbora izborna komisija može po potrebi imenovati radne grupe.**

Član 9.

U članu 16. (Materijali za sjednicu), mijenja se stav (2) i on glasi:

- (2) Administrativno - tehničke poslove za potrebe izborne komisije obavlja sekretar izborne komisije u saradnji sa referentom za Centralni birački spisak. Za potrebe izborne komisije u izornoj godini se mogu angažovati i druga lica za potrebe nesmetanog i blagovremenog odvijanja izbornog procesa.**

Član 10.

U članu 18. (Tok sjednice), dodaju se slijedeći stavovi.

- (3) Predsjednik izborne komisije može zatražiti da član izborne komisije, kao izvjestilac ukratko iznese relevantna činjenična i pravna pitanja, kao i informacije i obrazloženja značajna za raspravljanje i odlučivanje.**
(4) Nakon izlaganja izvjestioca riječ se daje članu izborne komisije prema redoslijedu prijavljivanja za raspravu.
(5) Predsjednik izborne komisije dužan je starati se o održavanju reda na sjednici izborne komisije. U slučaju da bilo koji član izborne komisije ili drugo lice koje prisustvuje sjednici ometa njen rad, u smislu samog procesa diskusije i odlučivanja, predsjednik izborne komisije može izreći sljedeće mjere: opomena na red, oduzimanje riječi i udaljavanje sa sjednice izborne komisije. Svaka izrečena mjera unosi se u zapisnik uz obavezu detaljnog obrazloženja razloga njenog izricanja.

Član 11.

U članu 21. (Usvajanje i čuvanje zapisnika) stav (4) će da glasi:

- (4) Konačnu, odnosno usvojenu verziju zapisnika sa sjednice izborne komisije sekretar ili član izborne komisije koji je vodio zapisnik dostavlja svim ostalim članovima izborne komisije u**

printanoj ili elektronskoj formi.

Dosadašnji stav (4) će biti stav (5), koji se mijenja i glasi:

(5) Izborna komisija je dužna osigurati uredno arhiviranje i evidenciju službene dokumentacije izborne komisije, odnosno omogućiti njeno sigurno čuvanje i upotrebu.

Dosadašnji stav (5) će biti stav (6).

Član 12.

Dodaje se novi član 24. (Iznošenje stavova), koji glasi:


- (1) Predsjednik izborne komisije ili član kojeg on ovlasti prezentiraju javnosti stavove izborne komisije,*
- (2) Član izborne komisije može iznijeti svoje mišljenje i stavove javnosti suprotno mišljenjima i stavovima izborne komisije ako je na sjednici izdvojio svoje mišljenje i stavove i glasao suprotno od donesene odluke i usvojenih mišljenja i stavova izborne komisije.*
- (3) Kad javno istupa član izborne komisije sa stavovima i mišljenjima o pitanjima o kojima se nije raspravljalo na sjednici izborne komisije ili ta pitanja nisu u nadležnosti izborne komisije, obavezan je naglasiti da je to lični stav, odnosno mišljenje.*

Član 13.

Ove Izmjene i dopune Poslovnika o radu Općinske izborne komisije Banovići broj: 05-06/16 od 13.06.2016. godine, stupaju na snagu danom donošenja i bit će objavljen na web stranici ili oglasnoj ploči općine Banovići, i u Službenom glasniku općine Banovići.

Dostavljeno:

1x članovi OIK-e Banovići,
1x Službeni glasnik općine Banovići,
1x web. stranica ili oglasna ploča općine Banovići,
1x a/a



Drinka Ribić
Drinka Ribić, dipl.pravnik